



Nuuk 26. Februar 2015

Inatsisartut suleriaasianni § 37 naapertorlugu apeqquteqaatit imaattut naalackersuisunut ingerlatippakka:

1. Thule Air Base pillugu kiffartuussinissamik isumaqatigiissutip annaanerata kingorna Naalackersuisut siunertarinerpaat nunatsinni inuit akileraartinneqarnerulissasut, tamannalu anguniarlugu nuna tamakkerlugu akileraarutip qaffanneratigut aningaasat Thule Air Base aqqutigalugu annaasat matussuserneqassasut?
2. Nuna tamakkerlugu akileraarut qaffanniarneqanngippat aningaasat annaasat qanoq Naalackersuisunit matussusernissaat siunniunneqarpa?
3. Thule Air Base pillugu kiffartuussinissamik isumaqatigiissutip annaaneqarneranut suna pissutaava?
4. Kiffartuussinissamik isumaqatigiissutip pineqartup annaaneqarnera atorfilittat kukkuneratigut imaluunniit suliasap qarsupinneqarneratigut nunatta kukkussutaanik pissuteqartumik kiffartuussinissamik isumaqatigiissut annaaneqarpa?
5. Kukkuneq imaluunniit suliasamat akisussaaffik naalackersuisoqarfimmi sorlermi pisimansoq Naalackersuisut nassuiarsinnaavaat?
6. Kiffartuussinissamik isumaqatigiissut annaaneqartoq pillugu naalackersuisoqarfimmi imaluunniit naalackersuisoqarfimmi eqqumaffiginerusariaqarsimasat suunersut Naalackersuisunit nassuiarneqarsinnaappat?
7. Kiffartuussinissamut isumaqatigiissut annaaneqartoq pillugu sooq sioqqutsisumik iliuusissat, oqallinnerit ilisimatitseqatigiinnerillu pisimanngillat?
8. Kiffartuussinissamik isumaqatigiissut pillugu suliap ajutoorneranut pissutaasut nassuiarneqarnissaat kissaatigaara
9. Folketing-imut ilaasortap nunatsinneersup oqaatigaa danskit naalackersuisui aamma nunatta naalackersuisui suleqatigiissuteqareersimassasut. Tamanna ilumoorpa?
10. Sermitsiaq.ag allaaserisaqarpoq nunatta Dk-mi sinniisoqarfiata aammalu nunatsinni naalackersuisoqarfiit kiffartuussinissamut isumaqatigiissutip allannguutissai akuerisimagaat, tamannalu nunatsinni qallunaat nunaannilu sioqqutsisumik ilisimaneqareersimasoq. Imaappa, Naalackersuisut ilisimasimanngikkaat politikkerit akueriqqaagassaat atorfilittat namminneq akuerisimagaat?
11. Naalackersuisut uppersarsinnaavaat allannguutit atorfilittanit akuerineqarnatik Naalackersuisunit akuerineqartussaasimagaluartut?

(Inatsisartunut ilaasortaq Aqqaluaq B. Egede, Inuit Ataqatigiit)

**Tungavilersuut:**

Naalackersuisunut apeqquteqarninnut pissutigaaara kiffartuussinissamut isumaqatigiisummik annaasaqartoq kinaluunniit aamma suliffeqarfiugalaruni soorunami erseqqissumik ilisimasussaammagu suna pissutaalluni kiffartuussinissamik isumaqatigiisummik annaasaqarneq pisimanersoq.

Apeqquteqaatilli apeqqutaapput nunatta Naalackersuisunit suli ersarissumik akineqanngitsut. Taamaammat apeqqutit Naalackersuisunit ersarissumik apeqqullugit ingerlatippakka. Kissaatigaara ullut qulit qaangiutsinnagit akineqarnissara.